

diximus, valde huic loco servare possunt.

Secunda hæresis est, quæ docet hominem posse divinam gratiam deperditam, non posse aliud facere quam peccatum. Hujus hæresis auctor est etiam Lutherus dicens, quod arbitrium hominis destitutum gratia Dei, quanto magis nititur tanto gravius peccat. Hæc hæresis ex his quæ nunc proxime docuimus profertur: quoniam si hominis arbitrium esse & ex sua conditione liberum est, non potest per quodcumque adveniens peccatum suam libertatem amittere, & per consequens etiam cum in peccato fuerit, poterit, sicut peccare, ita & peccatum vitare, & bonum opus, quamvis non meritum, operari. Hoc etiam specialiter convincunt quædam testimonia ex illis quæ supra posuimus, ut est illud: (Joan. 1.) *Dedit eis potestatem filios Dei fieri, his qui credunt in nomine ejus.* Nam hæc potestas, ut diximus, magis videtur esse collata peccatoribus quam iustis: quoniam iusti per gratiam quam habent, jam sunt filii Dei, nec est ejus opus ut iterum fiant filii Dei. Et illud Apocalypsis cap. 2. ubi de Jezabele Deus ait: *Dedit illi tempus ut penitentiam ageret.* Frustra datur illi tempus, si illa penitere non potest. Præterea frequentissimæ sunt in sacra scriptura monitiones, quibus peccatores exhortantur ad penitentiam præteritum. *Convertimini,* inquit Dominus, (Ezec. 18.) *& agite penitentiam ab omnibus iniquitatibus vestris, & non erit vobis in ruinam iniquitas.* Et per aliam Prophetam iterum ait: (Joel. 2.) *Convertimini ad me in toto corde vestro.* Et ipsemet Salvator ait: (Math. 3.) *Agite penitentiam, appropinquabit regnum celorum.* Frustra autem monentur ad penitentiam peccatores, si nihil aliud quam peccare possunt. Hæc hæresis damnata est in Concilio Tridentino sub Paulo tertio celebrato, quod inter multos quos sessione sexta addidit canones, septimum contra hæresim condidit in hac verborum forma. Si quis dixerit, opera omnia quæ ante justificationem fiunt, quæcumque ratione facta sint, vere esse peccata, vel odium Dei mereri, aut quanto vehementius quis nititur, se dissonare ad gratiam, tantum eum gravius peccare: anathema sit.

Tertia hæresis docet liberum arbitrium post receptam baptismatis gratiam non posse amplius peccare. Hanc hæresim primus docuit Jovinianus monachus. Illam etiam impingit Augustinus in libro de hæresibus Pelagii. Sed de hac hæresi jam supra disputavimus in titulo De gratia, hæresi secunda: & ex his quæ nunc proxime adversus primam hujus tituli hæresim diximus, satis aperte convincitur, quoniam sicut peccatum non tollit arbitrii libertatem, ita nec gratia, quoniam libertas est naturaliter inista humano arbitrio, ita ut per nullum superveniens accidentis tolli possit. Quo fit, ut sicut in peccato existens propter suæ libertatis potestatem poterat aliud peccatum vitare, ita in gratia existens propter eandem arbitrii libertatem possit aliqua in posterum peccata committere. Et ita factum esse, urgentissimis testimoniis comprobabimus supra in titulo De gratia, hæresi secunda.

L I N G U A.

Philaster in suo libro de hæresibus censet esse hæresim dicere quod ante Babel ædificationem fuerit solum una lingua: quoniam (ut ille ait) firmiter credendum est plures ante illud tempus fuisse linguas, quas tamen indito quodam à Deo spiritu omnes usque ad illud tempus calabant. Quod autem scriptura dicit, (Genes. 11.) *terram fuisse unius labii*, ideo dictum putat, quia & si plura es-

sent genera linguarum, omnes tamen se invicem intelligebant: quia (ut ait) omnibus erant omnes lingue noxæ. Ego autem ab hac Philasteri sententia tam longe absum, ut patem hæresim esse quod ille docet. Nam scriptura sacra tam aperte dicit unam tantum fuisse linguam, ut nihil manifestius dici possit. *Erant*, inquit, *terre labii unus.* Si varietas linguarum erat in terra, non dicebatur vere terram esse labii unus, quamvis quilibet homo omnes linguas sciret. Nam etsi Italus intelligat Hispanum, & Hispanus viceversa intelligat Italum, nullus tamen sanæ mentis negavit vanam esse illorum linguam. Nullus etiam dicit unam esse amborum linguam, cum sit cuique illorum propria lingua. Intelligentia siquidem linguarum non valet efficere ut duæ aut tres lingue una dicantur. Quo fit ut quamvis omnes se mutuo intelligerent, non possit dici terram fuisse unius labii, si varietas linguarum erat. Præterea illa linguarum varietas superflua erat, si omnium linguas omnes calabant. Lingua enim ad id solum inventa est, ut per illam nostros conceptus manifestemus: quoniam (ut beatus Augustinus decimoquinto libro de Trinitate ait): *verbum quod foris sonat, signum est ejus verbi quod intus latet.* Si ergo lingua una satis omnibus erat, ut suos quisque animi conceptus & affectus aliis innotescere faceret, quid opus erat tot superaddere linguas? Nunc autem post illud superbiæ peccatum quod in Babelis ædificatione monstratum est, non potest dici inanis & superflua hæc linguarum multitudo: quoniam ad retundendam illorum superbiam inducta est à Deo, & usque hodie ad nostram etiam reprimendam superbiam servata. Deinde scriptura sacra dicit, tunc primum cum Babel ædificari cepit, confusum esse labium universæ terræ. Quid est dicere labium tunc primum esse confusum, nisi quod tunc est primo divisum, & multiplex variumque factum? Nam ubi unitas est, ibi confusio esse non potest: ubi autem multitudo, ibi est & confusio. Sed ante Babelis ædificationem non erat confusum labium universæ terræ: ergo ante illud tempus non erat varium aut multiplex, sed unicum dumtaxat. Rursum hæc nostram sententiam docent omnes sacri doctores qui de hac re scripserunt: neque unus est ex illis qui Philasteri sententiæ faveat. Beatus Augustinus in libro de mirabilibus sacre scripturæ capite nono, sic ait: *Cum ad illud usque tempus esset unius lingue cunctus populus universorum qui ad tale opus venerant, linguas in diversa verba divisit, scilicet ut rectissimo arbitrii iudicio, qui alto superbiæ tumore membra contemperat, in fragillissimæ substantiæ suæ modo sermone utique poenam sentiret. Et hoc non ipsis tantum patribus quod venerat, fiebat: sed per omnes filiorum propagines talis vindictæ conditio pertransibat: ut qui æternam sibi posteritatis famam quaererent, mansuram in illis posteritatibus ipsius præsumptionis per universa venturi sæculi tempora animadversionem invenirent.* Hæcenus Augustinus. Ex quibus verbis id potissimum annotandum est, quod in principio dixit, linguas in diversa verba fuisse divitas, & non (ut Philaster ait) in diversam linguarum præexistendum notitiam. Eucherius Lugdunensis Episcopus libro secundo super Genesim capite septimo, ita ait: *Et ante tempore quando linguarum facta est varietas, in sola domo Heber quæ antea fuit, lingua remansit.* Eucherius. Ex quibus verbis aperte satis constat illum sentire unam solum tunc fuisse linguam, videlicet Hebraicam. Neque pro hac re opus est plura citare testimonia, sed unum solum, quod maximi est ponderis,

ris, proferam, nempe Sybillium. Nam Josephus libro primo Antiquitatum capite nono, hæc quæ sequuntur verba, Sibyllam dixisse refert. Cum omnes homines unius vocis existere, quidam turrim ædificaverunt excellens, tamquam ascensuri per eam in cælum. Dii vero immittentes ventos, everterunt turrim, & vocem propriam unicuique partium sunt: & propterea Babyloniam vocari conrigit civitatem. Hæc Sybilla. In quibus verbis annotare oportet quod dixit, vocem propriam unicuique esse partium: & non dixit esse unicuique datam propriam antiquæ vocis cognitionem. Firmiter ergo credendum est unam solum ante Babel ædificationem fuisse linguam. Philaster autem ex prava scripturæ intelligentia deceptus est. Nam antequam de hujus turris ædificatione scriptura loqui inciperet, cum septem filios Japheth per ordinem recenseret, hæc dixit: (Genes. 10.) *Ab his divisæ sunt insule gentium in regionibus suis, uniusquisque secundum linguam, & familias suas.* Quæ verba non intelligens Philaster esse per anticipationem dicta, putavit jam tunc fuisse plures linguas antequam Babel ædificaretur. Oportebat tamen illum meminisse sacre scripturæ morem esse aliqua per anticipationem narrare, ut scilicet antequam facta fuerint, quodammodo & perfunctorie narrentur, ut postea suo ordine res quæque gesta largius describeretur. Hæc enim una est & non minima ex Ticonii regulis pro sacre scripturæ intelligentia, quas beatus Augustinus in libro

De Doctrina Christiana impense laudat. Superius enim sacra scriptura per anticipationem dixerat unumquemque populum suam linguam habuisse, nec tamen dixerat quo pacto, sed pertransiit ad aliorum filiorum Noe progeniem describendam: deinde vero ad id quod omiserat rediens, narrat quomodo vel ob quam causam divisæ vel confusio linguarum multarum facta fuerit, & dicit: (Genes. 11.) *Erant autem terra labii unus, &c.* Et hunc esse verum litteræ sensum, docet beatus Augustinus lib. 16. de Civitate Dei, cap. 4. sic inquit: *Cum ergo in suis linguis istæ gentes fuisse referantur, redit tamen ad illud tempus, quando una lingua omnium fuit: & inde jam exponit quid acciderit ut linguarum diversitas nasceretur: Et erat, inquit, omnis terra labium unum, & vox una omnibus.* Hæc Augustinus. Et quidem pro hac re satis me dixisse arbitror, hoc solo contentus, si prius monuerim lectorem, ut animadvertat quam periculosum sit leviter de hæresi pronuntiare. Nam Philaster vir aliqui doctus, & pro fide Catholica pugnans, cum alios de hæresi notat, ipse in errore labitur, asserionem vere Catholicam damnans. Nec miror: quoniam (ut est in Proverbio) bonus quandoque dormitat Homerus. Sed neque ipse Philaster (ut beatus Augustinus de illo refert) homo admodum doctus erat: propter quod in suis censuris facilius errare potuit.

FINIS LIBRI NONI.

F. ALFONSI DE CASTRO

ZAMOREN. MINORITÆ.

ADVERSUS HÆRESES.

LIBER DECIMUS.

MALUM ET MALITIA.



Juxta Aristotelis præceptum, omnem æquivocum prius est in sua diversa significata patiendum, & postea de eorum quolibet seorsum loquendum. Cum ergo hæc vox malum, aut hæc vox malitia, multa significet in sacris litteris, oportet ut prius quam de ejus significatis loquamur ostendamus multiplicem illius significationem. Est enim multiplex malum, & omne tale adventitium aut accidentale. Nam quod nulla res sit mala ex natura, jam supra contra impium Manichæum auctore evicimus, in titulo De Creatura, hæresi secunda. Malum ergo quod accidit rei, duplex est. Nam quoddam est malum culpæ: aliud est malum pœnæ, quod mea sententia rectius dici posset damnium. Juxta hæc ergo mali partitionem etiam partibus sunt hæreses quæ de malo loquuntur, nullas ex his. Prima ergo hæresis dicit malum esse à Deo, & Deum facere mala. Hujus hæresis auctor fuit Florinus quidam, à quo Floriani dicti sunt. Hic Florinus fuit tempore

Commodi Imperatoris, & Papa Eleutherii. Florinum in eodem errore imitatus est quidam alius nomine Blastus. Et adversus hos duos hæreticos (ut testatur Eusebius Cæsariensis libro quinto historiae Ecclesiasticæ cap. 20.) scripsit beatus Iræneus: ad Blastum de schismate librum unum; ad Florinum de Monarchia, & quod Deus non sit auctor malorum, librum alium. Hunc eundem errorem postea suscitavit Seleucianus & Hermiani à Seleuco & Hermia auctoribus sic appellati. Hi dicebant malum aliquando esse à Deo, aliquando à materia. Hunc errorem aperitissime damnat ipse veritatis magister, dicens: (Math. 7.) *Non potest arbor bona fructus malos facere.* Aut ergo Deus bonus non est, aut mala producere non potest. At Deus bonus est, immo ille solus bonus est: quoniam ex se & se bonus est: ergo ille mala facere non potest. Præterea: Paulus Apostolus in ea quæ est ad Romanos epistola cap. 1. ait: *Si radix sancta & erami.* At nullus vere potest dici sanctus nisi Deus, qui solus est sanctus, sicut & solus Dominus. Nam de hoc duo Seraphin clamabant al-

bellum, quemdam de perpetua Virginitate Mariae. Secunda est haeresis asserens beatam Virginem Mariam non esse dicendam Dei genitricem, sed tantum hominis eujusdam iusti matrem. Dicit enim haec haeresis in Christo esse duas personas, sicut duas naturas, & unam personam dicit esse Deum solum, & aliam hominem solum: & hujus personae quam dicit esse hominem solum, dicit beatam Virginem esse matrem. Et ita negat beatam Virginem esse matrem Dei. Hujus erroris auctor fuit Nestorius. Sed de hoc errore jam satis supra dictum est in titulo Christus, haeresi tertia. Ad illud ergo locum recurat lector, quoniam ibi hujus erroris expugnationem inveniet.

MARTYRIUM.

Ruit quidam error quem docuit Basilides, dicens non esse aliquod crimen negare Christum persecutionis tempore. Quapropter dicebat esse dementiae pro hac re pati mortem, cum, contra crimen possit Christus negari. Qua sententia homines a martyrio avertet. Hunc eundem errorem docuerunt, quidam haeretici dicti Elcesaitae, quamquam aliter, & propter aliam causam quam Basilides. Nam Basilides (ut de illo ait Philaster) non simpliciter avertet homines a martyrio, sed solum dicebat non esse tolerandam mortem pro confessione mortis, & crucifixionis Christi. Hoc autem dicebat, quia (ut supra diximus) Basilides negavit Christum fuisse crucifixum, sed Simonem illum Cyrenaeum, qui angariatus portavit crucem, dixit fuisse crucifixum pro Christo. Hac igitur de causa ridebat eos, qui mortem patiebantur, ne Christum negarent pro nobis crucifixum, quia dicebat eos pati pro mendacio. Hujus erroris fundamentum jam evertimus, supra in titulo Christus haeresi 7. ideo non est, quod amplius modo adversus eam disputemus. Elcesaitae vero aliter sentiunt. Dicunt enim ideo non esse peccatum negare Christum persecutionis tempore, quia is qui fixus est in corde suo, etiam si ore negaverit Christum pro necessitate, corde tamen in fide permanet. Quapropter dicunt talem sic ore negantem non peccare, cum Deus magis aspiciat cor, quam linguam. Hae de Elcesaitis narrat Busebius lib. 6. hist. Ec. cap. 28. Hae haeresis apertissimis scripturae testimoniis convincitur. Sapiens namque ait: (Sap. 1.) Os quod mentitur, occidit animam. At qui ore negat, corde autem fatetur, mentitur: occidit ergo animam qui ore negat, etiam si corde fateatur. Potius ergo deberet mortem corporis pati confitendo Christum, ne cum negaverit ore, occidat animam, quae multo melior est corpore. Nam Christus redemptor noster apud Matthaeum, (cap. 10.) ait: Nolite timere eos qui occidunt corpus, animam autem non possunt occidere; sed potius illum timeate, qui potest corpus, & animam mittere in gehennam. Et paucis interjectis concludit idem Salvator, sic inquit: Omnis ergo qui confitebitur me coram hominibus, confitebor, & ego eum coram patre meo, qui in Caelis est: qui autem negaverit me coram hominibus, negabo, & ego eum coram patre meo, qui in Caelis est. Praeterea ipse veritatis magister ait: (Matth. 5.) Beati qui persecutionem patiuntur propter justitiam, quoniam ipsorum est regnum Caelorum. Rursum, beatus Paulus dicit (Rom. 10.) esse necessariam confessionem oris, sicut fidem cordis. Sic enim ait: Si confitearis in ore tuo Dominum Jesum, & in corde tuo credideris, quod Deus illum excitavit a mortuis, salvus eris. Corde enim creditur ad justitiam, ore

autem confessio fit ad salutem. Deinde ipse veritatis magister discipulis suis loquens, ait: (Act. 1.) Eritis mihi testes in omni Hierusalem, & Judaea, & Samaria, & usque ad ultimum terrae. Si ergo hi discipuli in persecutione positi Christum negassent ore, etiam si confiterentur corde, fuissent testes mendaces, & falsi. Testis autem falsus (ut Sapiens ait (Prov. 21.) peribit. Nullo ergo modo ob quamlibet persecutionem licet fidem negare ore, quantumlibet teneatur corde: sed praestat tolerare mortem, quam negare veritatem, ut fit bonus Martyr, hoc est verus testis, & fidelis. Nam hoc est Martyr Graece, quod est Latine testis. Secunda haeresis est quae docet eos, qui se pro peccato interimunt, debere Martyres nuncupari, pro eo quod puniunt in fe, quod dolent commississe. Hujus erroris auctor fuit Petilianus quidam Donatista, contra quem extant aliquot Augustini tractatus. Hic error convincitur ex facto Judae, qui dolens de peccato, quod commiserat, se suspendit. Quod autem dolens de peccato hoc fecerit, Matthaeus testatur, qui (cap. 27.) ait: Tunc videns Judas qui eum tradidit, quod damnatus esset, poenitentia ductus retulit triginta argenteos Principibus Sacerdotum, & Senioribus, dicens: Peccavi, tradens sanguinem Justum. Judam autem fuisse damnatum nullus Catholicus dubitat, cum tam apertum sit testimonium scripturae. Propheta namque de Juda, loquens ait: (Psalms. 108.) Cum judicatur, exeat condemnatus, & oratio ejus fiat in peccatum. Fiant dies ejus pauci, & Episcopatum ejus accipiat alter. Et quod haec verba sint de Juda intelligenda, beatus Petrus testatur in ea oratione, quam ad reliquos condiscipulos habuit post Christi in Caelis ascensionem, loquens de subrogatione alterius in locum Judae. (Act. 1.) Tertia haeresis est adhuc pessilior, ne dicam atrocior, quoniam asserit omnes, qui mortem ultronei patiuntur, esse Martyres dicendos, sive talem mortem ab aliis indictam patiuntur, sive eam sibiipsis infligant. Hujus haeresis auctores vocat Augustinus Circuncelliones, libro de haeresibus, cap. 69. dicens eos esse genus hominum agreste, & famosisimae audaciae, non solum in alios immania facinora perpetrando, sed nec sibi eadem infamia, & feritate parcendo. Nam per mortes varias, maxime praecipitiorum, & aquarem, & ignium, seiplos necare consueverunt. Et in istum furorem alios seducunt, ut seiplos occidant: quod si facere alii continent, mortem illis minantur, dicentes hoc modo illos Martyres fieri. Hos haeticos Philaster vocat Circutores, quoniam ad haec facinora perpetranda per diversas partes circummibant. Quis hujus insanæ haeresis fuerit dux, aut quo tempore cœperit, nec Augustinus, neque Philaster prodiderunt. Augustinus dicit illos pertinere ad Donatistas, & sub illis militare. Istorum error convincitur apertissime per id quod dicitur in lege Domini: (Exod. 20.) Non occides. Quibus verbis qualibet hominis occisio prohibetur, praeter illam quæ ex præcepto judicis in vindictam malefactorum fit. Si ergo non licet occidere alium, multo minus seipsum. Praeterea, qui seipsum interimunt, agit contra naturalem omnium hominum inclinationem, non solum contra inclinationem malam, quæ est in natura depravata, sed contra inclinationem naturæ perfectæ. At cum talis inclinatio sit semper recta, qui contra illam agit, convincitur male agere. Quod autem inclinatio ad vitam, fit

fit naturalis homini etiam ante peccatum, patet, quia Christus, in quo peccatum nullum fuit, horrebat mortem, quod non fuisset factum, nisi in eo fuisset naturalis inclinatio ad vitam. Rursum, cuffs carceris, in quo erat Paulus, & Silas inclusi, videns apertas januas carceris, evaginatio gladio volebat se interficere, existimans fugisse victos. Clamavit autem Paulus voce magna, dicens: (Act. 16.) Nihil tibi mali feceris: univesi enim hic sumus. Si occidens seipsum esset Martyr censendus, nunquam Paulus impedisset custodem carceris ne se occideret. At cum Paulus eum ad occisione avocaverit, voce magna, dicens: Nihil tibi mali feceris, convincitur malam esse sui ipsius occisionem, tantum abest ut martyrium dici mereatur. Contra hanc haerem pugnat idem argumentum, quod adversus proxime enarratam haerem fecimus. Et cum res fit tam aperta, non est opus plura testimonia citare. Quidam non defuerunt, neque nunc desunt haereses quæ matrimonium impetant, nihil tamen nunc de illis dicitur, sed infra in titulo de nuptiis de hujusmodi haeresibus agetur. Usque ad illum enim locum decrevi hanc rem differre, quoniam apud veteros auctores frequentius est nomen nuptiarum, quam nomen matrimonii, & res quæ ad matrimonium spectant, sub nomine nuptiarum ab illis pertractantur. Rursum certe apud illos est matrimonii nomen, & in sacris literis etiam frequentius est nomen nuptiarum, quam matrimonii, quamquam hæc vox etiam in sacris literis sæpe reperitur. MELCHISEDECH. Quidam errore decepti, sacram scripturam minime, ut decebat, intelligentes, dixerunt Melchisedec Sacerdotem qui benedixit Abraham reverenti de victoria quinquæ regum, non fuisse hominem purum, sed fuisse Christum, aut aliam quamdam Dei virtutem. Huic errori faventes vocat Augustinus Melchisedechianos, & ponit eos trigesimoquarto loco inter haereses, quas in libro de haeresibus recenset. Ex quo evidenter colligitur, librum qui inscribitur de questionibus novi, & veteris testamenti, non esse Augustini, quamvis sub ejus nomine circumferatur. Nam præter alia argumenta, quæ ad hoc convincendum adfert Erasmus Roherodamus, hoc est efficacissimum, quod questione 109. multis argumentis iisque valde inepis nititur probare, Melchisedech non fuisse hominem purum, sed quamdam Dei, virtutem, videlicet Spiritum Sanctum. Neque hoc in libris retractationum, nunquam recantavit, immo nec illius libri in toto illo decursu suam retractationem, utquam meminuit. Cum ergo in libro de haeresibus hanc assertionem censet haereticam, non erat tam stupidus Augustinus, ut oppositas securaque pugantes assertiones, doceret. Hæc ideo admonui, ne si forte aliquis in questionem illam incidere, a constantia rectitudinis flectatur, Augustini auctoritate pressus. Quis autem hujus haeresis princeps fuerit, aut quo tempore cœperit, Augustinus non expressit, neque apud alium invenire potui. Epiphanius tamen in libro de octoginta haeresibus, haeresi 55. dicit Hieracem quemdam insigniter doctum hanc haerem docuisse, sed non di-

cit esse ab illo primum inventam. Et idem repetit postea haeresi 67. ubi longiore de hoc Hierace facit sermone. Ut autem ostendamus sententiam hanc esse erronam, citare oportet ipsam sacram scripturam, quæ de eo loquitur, enarrans victoriam Abraham, & qualiter Melchisedech illi obviam exit. Sic enim ait: (Genf. 14.) At vero Melchisedech Rex Salem profers panem, & vinum, erat enim Sacerdos Dei altissimi, benedixit ei, & ait: Benedictus Abraham Deo excelso, qui creavit Caelum, & terram: & benedictus Deus excelsus, qui protegente, hostes in manibus tuis sunt. Et dedit ei decimas ex omnibus. Hæc ibi. Nunc ergo hanc litteram discutiamus. Si Melchisedech est Spiritus Sanctus, quomodo dicitur ibi quod erat Rex Salem? Salem namque urbs quaedam est in terra Chanaan prope Sichem. Nam in eodem libro Geneleos, (cap. 33.) enarrans scriptura qualiter sit reversus Jacob ex Mesopotamia, sic ait: Transivisse in Salem urbem Schimorum, quæ est in terra Chanaan, postquam reversus est de Mesopotamia Syria. Si ergo Salem civitas est terrestris, qualiter Spiritus Sanctus dicitur esse Rex Salem, cum ille dominetur à mari usque ad mare, & à flumine usque ad terminos orbis terrarum? Possimum quod eodem decursu scriptura enarrat alios Reges, qui exierunt obviam Abraham, videlicet Regem Sodomorum, & Regem Gomorreorum: & istis nominatis, & terris in quibus regnabant explicatis, continuo describitur Melchisedech Rex Salem, neque alterum Imperium illis tribuit scriptura. Numquid divisit Imperium terræ Chanaan Spiritus Sanctus, ut ipse solius Salem Rex sit, & alii sint Reges Sodomorum & Gomorreorum? Absit. Sui enim sunt Caeli, & sua est terra, orbem terrarum, & plenitudinem ejus ipse fundavit. Quod autem bonus ille auctor illius questionis 109. proxime citatæ adfert, quod Salem interpretatur pax, & ita Rex Salem juxta Apostolum (Hebr. 7.) interpretatur Rex pacis: Rex autem pacis non est nisi Deus: Melchisedech ergo Deus: inepita factis collectio est, quoniam, ut in istis hujus operis, lib. cap. 3. docuimus nullus sentius sacre scripturæ est efficac, ad aliquam assertionem confirmandam, nisi solus sensus literalis, non autem mysticus. At cum docuimus esse oppidum in terra Chanaan, quod dicitur Salem, ille erit sensus literalis, quod dicitur Melchisedech esse illius oppidi Regem. Ad hunc enim modum etiam diceret alius Isaac esse Deum, quoniam Isaac interpretatur gaudium: & Hieremias eadem ratione, quoniam Hieremias interpretatur altitudo Dei. At nullus potest vere dici gaudium per essentiam, nisi solus Deus, qui est nostrum gaudium, qui est etiam futurus præmium. Apostolus autem, cum factum Melchisedech dixerat præcessisse in figuram Christi, ut ostendat merito gessisse Melchisedech figuram Christi, adfer nominis interpretationem, quæ optime convenit Christo. Praeterea, in eadem littera dicit, quod erat Sacerdos Dei altissimi. (Heb. 11.) At Deus non est Deus Sacerdos: non est ergo Melchisedech Deus. Omnis namque Pontifex, ait Paulus, ex hominibus assumptus, pro hominibus constituitur. Aut ergo Spiritus Sanctus non fuit Sacerdos pro hominibus constitutus, aut ex hominibus assumptus est, aut vere tunc fuerit Sacerdos, quemadmodum Christus. Verum ille bonus auctor illius sæpe præfatæ questionis, fatetur Spiritum Sanctum in forma humana tunc apparuisse, quemadmodum postea filius Dei. Vide quantis laqueis, quisquis ille est, se implicet, ut extrahatur hunc

